

DISPUTATIO MEDICA  
IN AUGURALIS,  
DE  
MEDICO PHYSICO.

Q V A M,  
ANNUENTE SUMMO ARCHIATRO  
*Ex Auctoritate Magnifici Rectoris*  
D. PHILIPPI REINHARDI VITRIARII,  
J.U.D. ejusdemque Facultatis Professoris Ordinarii.

NEC NON  
*Amplissimi Senatus Academici unanimi Consensu,*  
*& Almae Facultatis MEDICÆ Decreto,*  
PRO GRADU DOCTORATUS,  
Summisque in MEDICINA Honoribus ac Privilegiis  
ritè & legitimè consequendis,

*Publico examini subjicit*

JOHANNES CHRISTIANUS HABERKORN,  
Camentio-Lufatus.

*Die 13 Julij, horis locoque solitis.*



LUGDUNI BATAVORUM,  
Apud ABRAHAMUM-ELZEVIER,  
Academiae Typographum. MDCXCIII.

DEO  
PRÆCEPTORIBUS  
PATRONIS  
ET  
PROXIMO

Quicquid dignum ex hisce  
& cæteris suis conatibus  
proficisci poterit




humillimè & ingenuè consecrat  
& dedicat

JOHANNES CHRISTIANUS HABERKORN;

*Auctor.*





# DISPUTATIO MEDICA

## INAUGURALIS

DE

# MEDICO PHYSICO.

## THESIS I.



Nullus sanè inducitur rubor Arti, utut libera-  
lissimæ, quæ Asclepiadea audit, quod cultores  
suos ministros faciat. Nec ministri ipsi  
habent, cur ideò oculos suos dimittant, cum  
potius hac occasione eâdem cum Aulicis li-  
centia potiuntur de officiis suis ministratoriis  
goriari, & instar planetarum splendore licet  
non independente præ reliquis mundi corpo-  
ribus eminere. NATURA enim hæc est potentissima Guberna-  
trix, cui hoc loco ministratur: & veri hi *Nature ministri* non ser-  
vi, sed domini, domini & artifices morborum ex hoc ministerio  
evadunt, qui etiam Imperatoribus ipsis non rarò (per leges diæte-  
ticas) blandè imperant, & præterea omnino *juxta Senecam* apud  
ægros in desiderio, & apud sanos in summo honore sunt. Præ-



tereo autem in præfenti omnes meretissimas præstantissimæ hu-  
 jus artis medicæ laudēs, & ex tantis Authorum elogiis unicum sal-  
 tim Hippocraticum hoc invidioso & ignorantī Ofori oppono;  
 quatenus nempe à divo Sene in lib. qui Lex inscribitur, primis verbis  
 Ἰητρικὴ τέχνη πᾶσιν ἰατροφανεστάτη; Medicina omnium artium  
 præclarissima, & in lib. de ornatu decenii. c. v. §. I. Ἰητρὸς ἰσοῖετο,  
 MEDICUS DEO ÆQUALIS proclamatur. Sanè enim vana  
 gloria non est, si terræ filius ἰσοῖετο & supra humanitatis sphæ-  
 ram beatus existit, modo non imputativè saltim, ut Agyr̄tis &  
 medicastris id accidat, sed ex merito eam ipsam gloriam tanquam  
 propriam & loco præmii reportatam medicus possideat; id est si  
 ex ipsius Hippocratis in lib. περὶ ἀληθοσύνης præscripto non tan-  
 tum naturam, industriam, suavitatem morum &c: sed etiam im-  
 primis sapientiam ad medicinam, & medicinam ad sapientiam  
 transferat, vel uno verbo PHILOSOPHUS sit; Hic enim  
 DEO æqualis existit, nec multa inter ipsum differentia est, prout  
 Divum hoc Oraculum in lib. cit. pleniori bucca effatur.

#### TH. II.

Collegit autem in unum quasi fasciculum proluxa de hac re Hip-  
 pocratis verba, & tam compendiose, quam nervose excerpta in  
 Dissertationem suam (pro loco) Jenæ habitam transtulit Celeber-  
 rimus Medicus Hippocraticus Excellentissimus Dn. D. Schellhamerus, Præ-  
 ceptor & Patronus meus æternum devenerandus; quod sc. ad mentem  
 ipsius Hippocratis MEDICUS PHILOSOPHUS sit ille, qui  
 agrotis operam dans, in arte sua rectè argumentari solet, & in vita com-  
 muni optimus est moribus. Cui apprime assentire videtur Medicus Op-  
 timus Galenus, qui in lib. suo, nisi fallor, Sect. I. de optimo medico,  
 qui idem & sit philosophus aliter nihil facit, ac divi Senis mentem ex-  
 plicat & ejusdem sententiam ita approbat: Certo nos primum stu-  
 dium debemus in philosophiam consumere, si veri Hippocratis æmuli esse &  
 arte probè uti velimus, ne venefici magis quam medici simus, & artem in  
 contrarium scopum ejusdemque abusum detorqueamus. Et quid ergo (per-  
 git) jam restat, cur medicus non sit Philosophus? is imprimis qui Arti ope-  
 ram Hippocrati dignam impendat: si enim ut corporis naturam cogno-  
 scat, & morborum differentias, & præsidiorum indicationes, eum ratio-  
 nalem contemplationem exercere oportet, & præterea divitias contemnit,  
 sobrietatem amplectitur &c. hic jam omnes philosophiæ partes habebit,  
 nempe eam quæ rationalis, eam quæ naturalis, & eam quæ moralis est.

Hæc.



Hæc itaque tripartita Philosophia medica est, ut nimum medicus (1) ἰσχυρὸς & optimis moribus sit, τὸ θεῖον in medicina conspicuum maxime attendat, ex pietatis amore Numini divino concedat, virtutes morales exerceat, & uno verbo Prudentiam ex medicina, quæ juxta Clariss. S. herbium vel ipsa prudentia est, vel ad minimum tamen non sine ea est, discat. (2) Ut tanquam fidelis naturæ minister semper eò intendat, quò natura vergit, & in eà adjuvanda & conservanda viam naturalem pressò pede insistat. (3) Felix cāusarum indagator sit in statu perturbato præsentia cognoscat, præterita ruminet, & futura mediante artificiosa argumentatione prospiciat. Quod triplex fundamentum necessario in arte medica ominosum & infallibile faustum *Trifolium* constituit; Cujus tamen in præsentiarum, ne totius, sed unius saltem folii, quod videlicet *Philosophiam naturalem* involvit, aliqualem explanationem ab ingenii mei imparitate & dimenso pagellarum spatio expecteris, sed nihilominus interea hisce meis conatibus censuram condonetis velim. Imprimis verò NATURÆ DOMINUS, & ARHCIATER SUMMUS, ut, uti hæctenus studiis meis clementer adfuit, etiam jam & in posterum ea ipsa ad sui gloriam, & proximi ægrotantis salutem dirigat, supplex oro atque rogo.

### Т н. III.

Interest itaque non parum, ut medicus ibi incipiat, ubi Physicus desinit, nempe ut sciat scientificè, quid corpus sit? quomodo moveatur & alteretur? & in quantum distet τὸ Naturale à præternaturali? Hinc etiam tam expressè *Cous noster in lib. de sterilibus. c. 18. §. 1. urget. περιῶν ἡ φύσις εἶναι*: CONARE UT PHYSICUS SIS &c. & aliis locis pluribus plures easdem admonitiones inculcat, quas angustia pagellarum jam non capit. Sufficit interim, quod omnium consensus testimonia eludat, & per se pateat, *Natura ministrum* scire, imò accurate scire, nec dispendioso illo compendio contentum esse debere, quasi omnem scientiam naturalem sola *Physiologia* contineret, quæ tamen indubiè simul cum suis satellitibus, Anatomia, Botanica, Chymia tantum ad PHYSICAM, tanquam Pars ad suum totum, pertinet, & saltem hæctenus ex commiseratione & metu ulterioris sub barbarie occultationis à medicis adoptata est. Neque etiam illi curiositati physicæ nimium confidat medicus, quæ aliorum tantum somniis subscribit, Autorum resoluta phænomena memoriter recitat.,



Mundi Systema admiratur, Elementa per numerum distinguit, Asteriscos nominatenus novit & terreni Gazophylacei confuso aspectu delectatur; hæc enim tantum Umbra philosophiæ est. Sed Ἰητέος Φιλόσοφος & verus naturæ minister ulterius progreditur, & physicam scientiam in tantum, in quantum possibile est, exhaurit, rerumque naturam non aliter ac ex ipso *Natura libro per sensus & rationem* discit. Certa enim & hoc loco veritatis trames quaerenda est, cum non perinde sit, cui opinioni & Sectæ adhæreamus, à veritatis enim via quisquis aberraverit, non ad philosophiæ duntaxat tribunal, sed ad iatriæ etiam causam dicere tenebitur, ubi non de lana caprina, sed de humano corio respondendum erit. Interim tamen hoc saltem dolendum est, quod in hac imperfectiōne nostra eò nondum pervenire licet, ut omnium rerum & phœnomenorum adæquatam & semper demonstrabilem scientiam habeamus, sed omnis nostrarum scientiarum perfectiō solummodò respectiva sit, ut si modò fecundiores præ steriliore hypothese in amplectemur, satis nobis fecisse meritò videamur. Et hoc est, quod etiam mihi indubiam Lectoris indulgentiam promittit, quando in præsentiarum pro infinitarum opinionum labyrintho aliquale verisimilius filum Ariadnæum texere, & præ Aristotelicorum facultatibus inexplicabilibus, Chymicorumque insufficientia PHILOSOPHIAM, quæ CORPUSCULARIS vulgò audit, & fundamentum in DIVERSA PARTICULARUM seu CORPUSCULORUM MODIFICATIONE ratione MAGNITUDINIS, FIGURÆ, SITUS, NEXUS, MOTUS ET QUIETIS habet, eligere placuit.

#### TH. IV.

Primum autem quod nobis occurrit, est ænigmaticus ille terminus NATURA, quæ ab his pro communi qualiumcunque mirandorum effectuum asylo habetur, ab illis pro DEA alma religiosè adoratur, ab aliis aliter ignoratur, nobis tamen facillimè *ex Principiis naturalibus Materia & Forma* convenienter mediante motu, tanquam principio activo externo combinatâ eruitur, & non aliter *ac Essentia rerum* à varia partium structura dependens consideratur. Vix enim opus videtur in physicis phœnomenis resolvendis immediatè *ad Naturam naturantem i. e. DEUM* recurrere, siquidem ipsi semel placuit nobiscum per causas secundas agere, ut finitus intellectus noster infinitam DEI potentiam & sapientiam capere,



pere, *Finemque* qui sempiterna ejusdem gloria est, agnoscere possit. Hæ vero causæ secundæ ad mentem recentiorum aliter nihil sunt, quam principia rerum essendi, nimirum abstractivè sumpta vel *Materia* illa realis physica (primæ illi philosophorum imaginariæ contradistincta) trina dimensione prædita, & sub *λεπτομερείας* seu particularum minutissimarum congerie conceptibilis, omnibus corporibus *existentiam* concedens; vel *Forma* corporum *Essentiam* constituens, quatenus materiæ potentia, quam ratione extensionis & partium suarum extra partes positionis habet, *Mensurabilitas*, *Mobilitas*, *divisibilitas*, *Figurabilitas* &c. dicta in actum vel jam antea deducta est, nempe in primævis mundi corporibus totalibus; vel adhuc in actum denuo deducitur, quatenus corpora mundi partialia hoc tempore mediante *motu à DEO ipso semel immediate ab initio concreato & etiamnum integre conservato*, juxta particularum magnitudinem, multitudinem, figuram variam variè modificantur & disponuntur, ut has vel illas essentias & facultates suscipiant. Et hinc in *Corruptione* & exinde denuò nata *Generatione* corporum etiam nihil aliter fit, quàm quod particularum litus pristinus mediante motu vel in vel externo mutetur; in *Nutritione* & *auctione* particulæ novæ apponantur, in *Decremento* semel appositæ sine novarum accessu transpirent vel decidant, & in *Alterationibus* corporum diversissimis particulæ aliæ ejiciantur, aliæ re-assumantur, aliæ aliter disponantur & inter se commoveantur, ut inde induratio, mollities, humiditas, siccitas, fermentatio, putredo &c. corporibus accidat. Ex quibus tandem cognitis, statim per se quoque ipsorum corporum constitutorum effectus in oculos incurrit, & ex intimiori structuræ & texturæ rerum consideratione facile patet, corporum *calorem* & *frigus* non in peculiari qualitate calefaciendi & frigefaciendi, sed in particularum vel velociori vel tardiori motu ad nostræ vitalitatis principium comparato consistere; Item *Humectationem* *Exsiccationemque* vel molecularum molliuscularum glabritiei in poros insinuabili, vel ipsarum aridæ rigiditati adscribi debere. Quod & de reliquis qualitatibus Physici experiuntur, v. g. *Lucem* in Elemento primo seu materia subtilissima celerissime mota; *Lumen* in pressione rectilinea particularum ætherearum; *Colorem* in reflexione & refractione diversa Luminis; *Sonum* in allisione & aëris motu tremulo; *Odorem* & *saporem* in effluviis & particulis variè figuratis & hinc diversimodè afficientibus;

*Tacti-*

Tassiles qualitates, Raritatem, densitatem, Mollitiem, Asperitatem, gravitatem, levitatem &c. in particulis variè juxta se politis consistere; & cateroquin indubiam spem relictam esse, *Qualitates occultas* (non in se sed respectu nostri, & hinc forsan rectius insensibiles dictas) per ulteriorem sollicitudinem similiter pededentim detectum iri.

#### TH. V.

Imprimis autem *Medico physico* non parum conducere potest, *matariarum*, quibus totius mundi compages conflata est; accurata & distincta cognitio, ubi cordatiores recentiorum philosophi satis ingeniosè ab effectu ad causas argumentati *Tria distincta Elementa dicta* ad phaenomenorum conceptum & resolutionem admodum quadrantia in medium posuerunt, & *Primum* (ne Aristoteli quidem incognitum, sed sub titulo Elementi astris analogi indigitatum) in vix comprehensibili λεπτομερεία seu particularum subtilitate semper naturâ velocissime agitata, ignem & corpora lucentia constituyente; *Secundum* in paulo majoribus globularibus, admodum tamen in respectu ad sensus nostros adhuc subtilibus corpusculis Ætherem & corporum pelluciditatem efficientibus; & *Tertium* in variis reliquis crassioribus & sensibilibus, corpora opaca & sublunaria componentibus statuerunt. Quâ distinctione admissa, facilius intelligitur, quomodo particulæ tertiæ Elementi, i. e. majores & irregulares pro ratione diversæ figuræ, ubique tamen magis vel minus primò & secundò Elementò interveniente, diversum corpus, v. g. rigidiusculæ & simul subtiliores Ignem, tenues & flexiles disjunctæ Aërem, Lubricæ flexiles & oblongæ artius combinatæ Aquam, crassiores irregulares Terram ejusque Incolas omnis generis componant.

#### TH. VI.

Omniùm maximè verò in nobilissima creatura HOMINE, non tantùm omnia Elementa, imo omnia miracula naturæ tanquam in speculo repræsentantur, sed & ideò eò magis Medico specialis hæc consideratio Anthropologica incumbit, quia Artis suæ subiectum est, & ad habitum suum cum recta ratione effectivum multum facit corpus humanum intus & in cute novisse. Tota verò hæc cognitio procul dubio non aliunde, ac ex physis peti poterit, siquidem homo ex præstantiori præ aliis corporibus luto se factum haud jactat, sed totam suam Existentiã materiæ communi debet, prop-



(propter quam etiam primario & immediate in DEO existit, vivit & movetur, at mediata TERRAM pro alma matre veneratur.) Determinatam autem *suam Essentiam* (quod præcisè homo & non aliud animal, vel etiam massa quædam informis sit) naturæ dispositioni & Ordini semel à Deo introducto & adhuc conservato, acceptam refert; ut itaque NATURA ipsius tota, quantum etiam alias supra intellectum nostrum extollitur & inter qualitates occultas communiter agmen ducit, in nullo alio, *quam certa fibrarum textura corporumque fluidorum motu* (quo fortiori eò ad heterogeneum & noxium expellendum potentiori) consistat.

#### T H. VII.

Subjicit se autem homo totus totus Theoriæ Medicæ, ejusque curæ se commendat adeò, ut ne *Anima quidem rationalis & immortalis* planè exulet, sed in tantum, in quantum cum corpore conjuncta hominem quàm talem constituit, & ex lege divina corporis motus & dirigit & sequitur, ideò quoque suam inhabitandi & cum corpore communicandi concreditam potentiam Medico, non aliter ac ViceRoy Consiliario suo insinuet. Maximè vero & *καὶ ἐξ ἄλλω* altera hominis pars essentialis ratione suarum partium vel *solidarum*, vel *fluidarum*, vel *Spirituosarum* huc pertinet; quæ ultimæ ob subtilitatem *Spirituosæ dictæ* quidem sub sensus nostros non cadunt, illarum tamen præsentiam ideò negare velle, ipsarum etiam insensibilium satis sensibilis effectus prohibet. *Vitale enim Principium* adesse nemo inficias ibit, in quo verò quærendum & statuendum sit, aliorum potius Prudentiorum, Præceptorum meorum Judicio subscribo, & vel *ad mentem Illustris & ingeniosissimi Physiologi, Excell. D. D. Bohnii in MOTU, vel juxta Magnificum atque Experientissimum D. D. Wedelium, Præceptorem & Patronum meum Parentis loco æternum devenerandum in ARCHÆO seu CALIDO INNATO, vel cum Excellentissimo atque Famigeratissimo Dno. D. Rivino, similiter Præceptore & Patrono meo observandissimo in UNICO SPIRITU VITALI* positum esse arbitror; ex mea tamen interim libertate (si quæ mihi super est) nihilominus suspicor, eos inter se adeò non differre, qui nomina saltim variant, reapse verò vix aliud quicquam, nisi *substantiam seu materiam subtilissimam & simplicissimam summè mobilem*, ad omnia in corpore humano movendum aptam creatam subintelligere videntur: eandem sc. quæ superius ex Recentioribus Philosophis sub nomine *materia primi*



*Elementi seu aëris atherisque subtilissimi* à DEO primitus concreati, ad motum destinati, & singulis corporibus plus minus insiti, adducta est. DEO enim libuit in creationis momento materiam non tantum non informem creare, sed sine dubio etiam ipsis materiæ particulis subtilissimis tanquam aptissimis *Motum* continuò, nisi impediatur, durante impertire, & per illum, uti partes Macrocosmi, ita etiam Microcosmi, movendo animare: hoc saltem discrimine, ut ipsi materiæ huic subtilissimæ per MAJESTATICUM SUUM FIAT, CRESCITE & MULTIPLICAMINI simul *vitalis character* communicatus sit, mediante quò ad qualescunque ideas & formas speciales assumendas adaptentur, & mox animæ vegetativæ, mox sensitivæ, adscriptas functiones modo tamen omnino magis mirando quam scrupulosè rimando præstent. Neque etiam video, num in functionibus hisce corporis nostri tutius ad nudum terminum *Facultatis Digestricis, Separatricis, Excrettricis &c.* vel num immediate ad ipsum DEUM in causis hisce naturalibus currendum sit? aut annon rectius *Principio vitali nobis cum nato & nutrito* per singulare Privilegium & Plenipotentiam à DEO concessam, *Plasticam illam vim* in generatione & formatione, *determinatamque motionem* in digestionem, chylicationem, sanguificationem, nutritionem, respirationem, sensationem & motu locali attribuere possimus? semper tamen & ubique simul habitò respectu ad *Mechanicam organorum structuram*.

#### T H. VIII.

Post spirituosas & insensibiles particulas in canaliculis nervosis undulantes, *Fluida* etiam simul corpus nostrum animant, *Fluidum nempe nostrum universale, sanguis*, qui imprimis duo, (1) *cruorem* seu particulas rubicundas partim per Microscopium, partim per rationalem argumentationem instar rotundorum globulorum observatas, & (2) *Serum* seu particulas magis oblongas, teretes & flexiles cum oleosis salinis, terreis q̃s. irregularibus acutis, hamosis & ramosis inter se commixtas, denotat. Cujus tamen utriusque substantiæ jam combinatæ & *sanguinem perfectum* constituentis poris *particulæ subtilissimæ mobiles primi & secundi Elementi* se insinuant, & motum tum intestinum pro fluiditate, tum extrinsecum seu progressivum pro circulatione communicant.

#### T H. IX.

Tertiam tandem corporis partem absolvunt *partes solidæ* tum  
*sim.*



*simplices*, tum *compositæ*, tum *decompositæ*, quæ ex particulis sanguineis, (vel si mavis ex sanguinis parte chylosa gelatinosave) antea fluidis per naturalem agglutinationem cohærentibus & quietis factis, primò in *simplices fibrillas* seu filamenta ab Anatomicis dicta formantur, ex quibus postmodum propter diversam magnitudinem, figuram, texturam & connexionem etiam reliquæ inter se diversæ *partes compositæ*, nimirum ex fibrillis hisce æqualiter cohærentibus & contextis *Membrana*, ex medullaribus cum membrana duplici cinctis *Nervi*, ex quadruplici vasculosa, glandulosa, tendinosa & nervosa coalita membranâ *Arteria*, ex vasculoso-glandulosis carneis & membranaceis fibris sibi incumbentibus *Venæ*, ex membranaceis folliculis arteriolarum osculis appensis *Glandula*, ex membranis vasculosè contextis *vasa lymphatica*, è fibrillis longitudinalibus crassioribus rubicundis *Fibræ motrices carneæ*, ex fibris hisce motricibus laxius compactis, intercurrentibus nervis & vasis, cingentibusque membranulis *Musculi*, ex fibris nerveis constipatis & in arctum magis coactis extensisque *Tendines*, ex ipsis durioribus arctius coalitis *Ligamenta*, ex similibus reticulares in laminas & planiformes firmitus compositis induratisque *ossa*, ex iisdem magis vero adhuc flexilibus *Cartilagines*, ex vesiculis seu lobulis membranaceis racematim positis oleosa, pingui, butyraceâ substantiâ repletis *Pinguedo*, ex papillis seu fibris nerveis elongatis reticularibus cuticula circumdatis *Ungues*, & è materia viscida tenaci fibrillis intertextâ *Pili* fiunt, prout apud Excellentiss. Dn. D. Pauli, *Anatomicum accuratissimum*, Patronum & Præceptorem meum colendissimum in collegio Anatomico-Experimentalι 'Ανθρώπου nos satis clarè docuit.

#### Τ Η. Χ.

Omnia vero hæc composita corpuscula, ubi singula seorsim sumta nihil præstant, nisi *decompositas corporis partes Organa dicta* denuo componant, ita & hæc ipsa organa quoque ulterius legitime componi, & instar Machinularum in horologio totum hoc ἄνθρωπον *animale* perficere, & tunc demum actiones, functionesque suas edere oportet. Quæ actiones variæ observantur, prout homini partim per se & ratione individui, quatenus animal est, τὸ *Sentire*; & quatenus animal perfectum est, quoque τὸ *Locomovere*: partim ratione speciei τὸ *generare* competit. Notabile autem est, neutram harum facultatum carere posse *vita & viribus*.



Vita verò nostra omnis, uti vix aliud quid, quam totius & singularum partium quotidianum dispendium & successiva mors est, prout Excell. & supra laudatiss. D. D. Bohnius in Circ. suo Physiol. Anat. innuit, dum non tantum Eluidi nostrî perennis & satis potens vibratio sine notabili particularum secessu & depeculatione fieri non potest, sed etiam solidarum partium rigida & glutinosa poris harum impacta substantia per eundem adeo continuum appulsum & recessum deliquescit & detergitur. Ita ante omnia cogitandum erit de NUTRITIONE, nimirum (1) per *ærem* purum, ventis salubribus perflatum, exhalationibus foetidis & heterogeneis non infectum, ad spirituum generationem aptum: & (2) per *Alimenta* congrua, temperata (*admentem illustris Wedelii*) nullo eminente vel ingrato odore & sapore prædita, unô verbo talia, quæ à ventriculo non difficulter subiguntur, & in proportionata quantitate materiam quandam oleoso-gelatinosam cum sale volatili temperatam largiuntur, & quarum particulæ cum partium solidarum, fluidarum & spirituosarum corporis nostrî poris conveniunt, aut non multum contrariantur. (Nisi interdum aliquid consuetudini dandum sit.) Quibus hinc positis, sine dubio NUTRITIO non tantum cum *vita* pari passu ambulare, sed etiam primarium locum meritò occupare & interea pro fonte reliquarum actionum, inò ipsius SANITATIS haberi poterit.

#### T H. X I.

Totum autem *Nutritionis opus* admodum eleganter à Viris supra laudatissimis & aliis oculatioribus Naturæ ministris *sub Generatione renovata & continuata* concipitur, ubi eadem materia sanguinis sc. particulæ chylosæ, oleosæ & gelatinosæ, ab eadem causa efficiente, *Spiritu vitali* mediantibus variis *instrumentis* præparantur, separantur, assimilantur, legitimè disponuntur, & formaliter connectuntur. *Instrumenta* vero seu *Organa* prima symbolum suum huc conferentia commode sub nomine *Preparantium* venire possunt. Postquam nempe *fibræ tunica* ventriculi nerveæ inanitæ, vel præ siccitate aut salsedine corrugatæ per objecta privativa spiritus moverunt ipsisque ideam defectus privati & publici (*in fame & siti*) impresserunt; Appetitui huic nostro per *Alimenta* satisfacimus, quæ tunc *ore* assumuntur, *dentibus* mastlicantur, *lingua musculo* convolvuntur, glandularum & vasorum lymphaticorum exstillato *Menstruo salivali* irrorantur, in *œsophago* ob tunicas nerveas stimulas mediantibus fibris motricibus



cibus decussatim descendentes deglutiuntur, in *Ventriculo* à *succo salivali* tunicarum glandulis egresso tanquam fermento vel menstruo *Salino seroso* denuò imbuuntur, à vasorum sanguiferorum & adjacentium partium communicato calore digeruntur, parietum ventriculi fibroso-carnosorum continuò attritentium, aliorumque muscutorum abdominis & diaphragmatis *motu* adjuvantur & promoventur, in *Intestino* tanquam ventriculo continuato eodem modo continuantur, novo glandularum *pancreatis succo* diluuntur, *bile* per canalem choledochum affusâ oleosæ particulæ ciborum cum aquosis intimius (ad instar vitelli ovorum in emulsionibus) coaduniantur & in perfectum *chylum lacteum* rediguntur, qui tunc *motu peristaltico* à fibris carneis circularibus & longitudinalibus superincumbentibus naturaliter causatò protruditur, osculis vasorum lacteorum (relictis crassioribus particulis excrementitiis longius per *colon* provolvendis & suo tempore mediantibus *sphincteris fibris* orbicularibus relaxatis per anum emittendis) instillatur, ex ipsis per motum semel impressum & valvularum structuram in *cisternam lumbarem*, & ex hac per pulsum arteriæ aortæ & impetum diaphragmatis in *ductu thoracico* elevatur, sanguinique in *vena subclavia* admiscetur; Qui cum sanguine ita confusus statim *Organa moteria* subit, à corde quidem excipitur, statim tamen ob stratum fibrarum antagonistarum oblique & spiraliter inter se invicem occurrentium, motumque ita indefinenter mutuum urgentium iterum ejicitur, *Pulmonum vasis* infunditur, ut *aëris* in inspiratione per arteriam asperam irruentis *impulsus*, ipsiusque *partem defecatiorem* & subtilissimam in se recipiat, donec per *venam pulmonalem* in cordis ventriculum sinistrum redux *Organis* etiam *transcolatoriis* demum traditur, in *Lienis* cellulis stagnans aliquid feri per copiosa vasa lymphatica dimittit & ad ulteriorem secretionem se accingit, in *hepate* per glandulosos acinos à biliosis particulis liberatur, in *glandularum salivarium, pancreaticarum, subcutanearum* &c. cribris dephlegmatur, in *Renum* tubulis serum salino-tartareum separatur & per *ureteres* in *vesicam*, ex hac verò per *urethram* planè excernitur. Ut ita hic *chylus* sanguini admixtus & cum ipso circulatus in sanguinem ipsum convertatur, & solas convenientes aptasque particulas nutritiles retineat, quæ tandem (postquam prius nobiliorem sui partem tanquam tributum



seu decimas in quæsturam publicam, qua cerebrum fungitur, pro  
*conficiendis spiritibus* solverunt) motu suo vitali & blando suaviter  
quasi titillando *calorem naturalem* excitant, & poris partium de-  
pletis adaptantur, totique per superficierum similitudinem (quod  
firmissimum gluten est) *incorporantur*.

#### TH. XII.

Posita itaque in utero legitima partium *conformatione*, ( quæ  
omnino à spiritu Parentum & sanguine materno intra uterum mi-  
nus vitiosum & à nullis injuriis externis turbatum legitime se ha-  
bente processerit, ) nihil sane ad ulteriorem integritatem extra  
uterum requiritur, quam ejusdem *conformationis continuatio & con-*  
*servatio*, quæ itidem non aliter quoque ac per legitimam NU-  
TRITIONEM perficitur, quando nempe *Archeus seu spiritus vi-*  
*talis* in quantitate sufficiens, in qualitate simplex, subtilis & vigo-  
rosus, *Massaque Sanguinea* in crasi debita i. e. particularum aquosa-  
rum, oleosarum & salino terrearum eadem proportionata mistura  
per aërem admissum & chylum sanguineum continuo conserva-  
tur: non potest non ille ( *Spiritus* ) etiam continuò actionibus cor-  
poris præesse, & hæc ( *Massa Sanguinea* ) per deperditarum particu-  
larum indefinentem restitutionem, nisi per structuram pororum  
ab extra violenter mutatam particulæ nutritiles abarceantur, or-  
gana in pristino vigore & integritate constanter continere. His  
verò concessis, non video quid amplius medicus curet? & quid  
impediat? cur corpus vivum & ubique legitimè nutritum organis  
suis non uti, & *sentire*, & *se movere* & *generare*, quando vult & de-  
bet, inculpatè possit? & uno verbô SANUS sit? cum omnium  
consensu tamen *Potentia actiones exercendi* Sanitatis medius ter-  
minus statuitur.

#### TH. XIII.

Sed uti in statu naturali tota *Sanitas* à conformatione legiti-  
ma partium, ipsaque per nutritionem conservata dependet, ita  
econtrà IMPOTENTIA, ubi actiones minus integre & cum  
*δυσφορίᾳ* eduntur, Medicique open ideò implorant, etiam aliter  
corpori ejusque partibus non accidit, nisi propter NUTRI-  
TIONEM vel ab extra in destructione violenta pororum, vel  
ab intra in partium nutrientium statu vitioso LÆSAM. Ex quò  
enim vivimus, ex eò & lædimur, & tantum non omnes *morbi* in-  
terni in fonte vitæ & salutis nostræ, qui hinc & Lerna malorum

eva-



evadit, nempe in *Spiritibus & massa sanguinea* concipiuntur, foveantur, & exerunt se in organa genitalia, motoria & sensoria, eorumque actiones lædunt; imo *organa nutritioni dicata ipsa* (præparantia, moventia & secernentia, quorum supra facta fuit mentio) afficiunt. Dum enim semel officio suo in chyli sanguinisque elaboratione malè functa fuerunt, & hinc reliquarum partium nutritionem, frustrantur, statim & ipsa simul pœnam talionis luunt, sui quæ proprii infortunii & debilitatis fabri fiunt, siquidem qf. in circulo vitia organorum præparantium in chylum, chylus in sanguinem, sanguinis in totum corpus, & consequ. etiam in ipsa organa prima redundant.

#### TH. XIV.

Ast præter organorum neglectiōem corrumpuntur etiam imprimis *succi vitales suaves roscidi oleosi dulces*, & vel in nimis rarefactos vel impuros fermentescibiles, vel *Aquosos*, vel *crassos pituitosos terreeos*, vel *salino-acres* degenerant, ad nutriendumque inepti fiunt propter *materiam ingestam & digestam* in primis viis. Si enim saltem ex physicis præsupponitur, quàm capax sit textura *aëris* in se recipiendi qualiacunque effluvia, imò quàm impura ipsa jam actur *atmosphæra nostra aërea* deprehendatur, ut cum principio hoc vitali plerumque principium morborum & mortis ipsius propter admixtas particulas heterogeneas, magnitudine, figura, textura & motu à particulis spiritus nostri vitalis connati multum abludentes, partim per asperam arteriam inspiremus, partim per alia subtiliora loca admittamus. Par ratio quoque est *cibi & potus*, qui soli serè chylum adulterant, & sæpè statim simul ac palato blanditi, cavumque ventriculi ingressi sunt, genium suum pravam & infensum produunt. Hinc *quantitate abundantes* mole sua ventriculum & intestina gravando, erugando, nauseam & anxietates molestas creant: *Deficientes* spiritibus allectis & urgentibus minus satisfaciunt &c. *Calidiores* vehementius impetunt, motu suo particulas humidas dissipant, ardorem, sitim, obstructionsque alvi inferunt: *Heterogenei fermentifici* per calorem in putorem putridum abeunt, rarefaciendo cavitates anxie inflant, & flatus ructusque nidorosos post se relinquunt: *Aquosi* tonum ventriculi laxant, sal digestivum diluunt nimis, calorem repellunt & lubricando lenterias fluxusque alios promovent: *Crassi & viscosi* fermentum salinoserosum enervando & inviscando appetitum delinunt, ob-

par-



particulas graves irregulares cohærentes & minus mobiles difficulter aëriantur, cruditates pituitosas generant, & verminoso seminio aptum nidum præbent: *Salini acres* tunicas Ventriculi nervolas vellicant & irritant in singultu, vomitu erosione &c. motum intestinorum peristalticum stimulando urgent, & fluxiones alvi quascunque causant &c. In summa chylus non est chylus, sed inutile caput mortuum, quod neque lacteo colore vel grato sapore & odore se commendat, sed magis cloacam, quàm œconomix animalis culinam redolet.

TH. XV.

Qualis autem chylus, talis sanguis, & qualis sanguis, talis sanitas. Vitia enim primæ coctionis non penitus corriguntur in secunda vel tertia, sed eadem cum chylo in sanguinem transferuntur, ibi inter undulandum & circulandum licentiosè malitiam suam exercent, & tandem in poris partium alluentes, non tantum non nutriunt, sed etiam cum summis cruciatibus & infinitis ruinis parietes afficiunt. Sic *abundantes particula sanguineæ* prima fronte quidem excessu pecare vix posse videntur, cum in se bonæ sunt, & in bonis non facile exceditur, tamen ob copiam in vasis contractæ se ipsas detinent, motum intestinum & progressivum inhibent, vasa premendo lassitudinem & torporem injiciant, majus spatium quærendo parietes rumpunt, vel oscula vasorum laxant, poros carnis obruunt, fibras in tumores extendunt, & loco nutrimenti proportionati corpori plethoram, obesitatem nimiam, gravitatem, pigritiem &c. conciliant. Idem judicium esto de *Defectu sanguinis & spirituum*, qui diu tolerari nequit, cum motus inde debilitatur, vires imminuuntur, fibrillæ vasculosæ collabuntur, membra exsiccantur & flaccescunt, spiritus depauperati organis vigorem naturalem detrahunt, tristitiam somnolentiam &c. inferunt.

TH. XVI.

Maximè autem in sensus (tristes) incurrunt *Qualitatum Vitia*, quando *particula vel calidiores i. e. subtilissima primi Elementi* largiores sanguinis consistentiam interrompendo & rarefaciendo circulationem impediunt, motum citando q̄. ebullitionem causant (in febribus), spiritus inquietant, fibras justò celerius movendo calefaciunt, dissipando exsiccant, vinculaque non rarò percurrunt & sese commodo hospitio exuunt: Vel *heterogenea crassiores in-*  
qua-



*quales salino-sulphureæ fermentescibiles ούρααι sanguinis*, proportionem & motum turbando, coagulationem, fermentationem & organum periclitantur (in febribus malignis &c.), continentes partes non suaviter titillando, sed impetuosè & improporcionatim illabendo *horrorem*, & vasa capillaria obstruendo *frigus* &c: incutiunt, postmodum coactô & auctô cordis motu rarefiunt, cum æstu ebulliunt, vires ob motum minus vitalem disjiciunt, spiritus variè stimulant, agitant & confundunt, ob motum inæqualem non tantum magis depascunt & humidum diffiant, sed etiam heterogeneas particulas poris partium affigunt, quæ nisi explodantur, tumores, inflammationes, exanthemata, maculas &c. produciunt. Vel *Aquosiores* lubricitate sua gelatinositatem nimis diluunt, oleosas particulas sanguinis obtundunt, ob fluxilitatem extravasantur, loca peregrina inundant, & hydropem, sudores, tumores aquosos, salivationes, catharros &c. corpori conciliant. Vel *crassæ pituitosæ* terrestitate sua incrassant, sanguinem inviscant, motum sufflaminant, secretiones naturales remorantur, vigorem naturalem occultant, fibrillas solitô minus movendo refrigerant, spiritus non generant, sed generatos obnubilant & flatulentos reddunt, oscula vasorum & glandulas obstruendo, visceraque infarciendo cachexiam fovant, in tubulis muscutorum stagnando livorem & pallorem inducunt, calorem extinguendo impotentias varias inferunt, crassitie sua flatus, coagula tartarea, scirrhus &c. pariunt, nervorum poros obstruendo spirituum motus impediunt, & hinc affectus soporosos, catalepticos &c. causant. Vel *acres salsæ* dulcedinem humorum vitalium cum acrimonia scorbutica commutant, in sero solutæ fibras continuo stimulando lympham fundunt, nunquam nutriunt, sed mollitiem & oleosam partium substantiam potius abradunt, solvunt, & per glandulas subcutaneas sub forma sudorum colliquativorum, vel per vias urinarias cum lotio ablegant, in quacunque corporis parte hærentes acie sua pungente fibris periculum solutionis intentant, sensum tristem & dolores varios inæqualitate sua faciunt, impatientes nervos irritando convellunt, & quando fibrillæ carneæ nimium quantum passæ sunt, inflammationes, ulcera, fluxiones &c. subministrant. Imprimis verò inter salinas *Acidæ* sanguini confusæ particulas sulphureo-volatiles figunt & coagulant, terrestres particulas sibi adjungendo austeritatem assumunt, hu-

C

mo-



inorea coagulant, iucraffant, fpiritus figunt, ofcula vaforum corrugando obftruunt, capillaribus vafculis & poris infinuata ita-  
gnant, ftagnantes ulterius acefcunt, acefcences lancinant & ero-  
dunt, innumerosque eventus alios, fatis tamen triftes fuppe-  
ditant.

#### TH. XVII.

Ex quibus hinc facile patet, *has recensitas qualitates vitiofas* vel  
fingulas feorfim, vel inter fe conjunctas *Nutritionem lādere*, & fub  
hac læfione omnes morbos, actionumque quarumcunque impo-  
tentiam commodè complecti poffe. Imprimis fi hisce caufis mor-  
bificis, *aëri fc. & cibo corrupto*, ex rebus non naturalibus vulgò  
dictis reliquæ quædam adhuc addantur, nempe (1) *Motus nimius*,  
qui chylum jufto citius ejicit, in vafa præcipitat, fubtilesque fan-  
guinis & fpirituum particulas nimis agitando diffipat. (2) *Quies*,  
*immoderata* motum remorans, fegregationes debitas fufflaminans,  
humores increaffans & fpiritus torpidos reddens. (3) *Animi Pathe-*  
*mata* quæ fanguinem & fpiritus variè difpensant, vel laxando &  
inovendo ad extra, in ira, gaudio &c. vel concentrando ad intra  
in terrore, metu, triftitia &c. Cæteræ autem ut *fomnus & vigilia*,  
*Excreta & retenta inverfa* potius funt nutritionis ipfius vel bonæ,  
vel lææ producta, & fanitatem aliter non lādunt, ac sympto-  
mata, quæ fæpe aliorum fymptomatum fupervenientium cau-  
fæ funt.

#### TH. XVIII.

Notabile autem interim & hoc eft, quod in omnibus morbis  
communiter & plerumque NATURA pro *caufa efficiente* accu-  
setur, fummæ tamen, uti puto cum injuria & accufatorum igno-  
rantia proprio testimoniò. NATURA enim i. e. *fanguinis &*  
*fpirituum motus ab organorum ftructura & omnium connexionè automatica*  
*dependens* fuperius allegato modo vel ab extra, vel ab intra fibi vim  
inferre potius patitur, imo pati ob materialitatem fuam cogitur:  
nec etiam præterea ullo modo dolofè nobifcum facit, fed magis,  
quantum poffibile eft, motu & nifu fuo adhuc durante refiftit &  
expellit hoftem, vel ad minimum ipfum non latere, aut clam in-  
fidari finit, fed continuo movendo & impellendo urget, ut hoftis  
manifestè operetur & fe inftar muris prodat. Interea verò fola  
NATURA refiftentia omni inpar, *Medicum confiliarium, & fidum*  
*miniſtrum fuum* in auxilium vocat; qui rebus fic ftantibus nihil ali-  
ter



ter agit, quam quod juxta artem suam ex signis rationaliter ad causam argumentandi, *Antecedentia*, ut aërem, alimenta assumpta, motum, quietem & animi pathemata reminiscendo: *Præsentia* ut actiones læsas, qualitates mutatas, excreta & retenta inversa, imprimis vero *Urinam & pulsum* diversimode pro particularum in corpore latentium & lædentium conditione variantem considerando, *Hostium* præsentiam, proprietatem, copiam, robur, sedem, machinamenta & insidias exinde *dignoscat*: *VIRES* verò cum hostis oppugnantis vehementia, sede, & constantia conferendo, *Eventum* quatenus *prognoscat*. Et præterea uno oculo *naturam obsessam* respiciat, alterò vero *hostem suppressendum ejusque subsidia nova* maturè reprimenda prospiciat. Quæ generalis morborum indicatio fundamentum est Medicinæ in partem *diæticam & therapeuticam* bipartitæ, & *regulas medico practicas* ( quæ tamen magis naturæ quam artis regulæ sunt ) muta voce nobis ita dictat. (1) *Quod integrum & secundum naturam est servandum, quod præter naturam, tollendum esse.* (2) *Similia similibus conservari, contraria contrariis* ( si non à priori, tamen à posteriori & effectu talibus ) *curari* (3) *Symptomatibus urgentibus & viribus periclitantibus, antequam planè deficient, & nobis omnem occasionem benè agendi præcludant, seorsim succurrendum esse.* Ad cujus executionem etiam *NATURA Medico* duplicia arma vel ex *penario victuali*, vel ex *armamentario pharmaceutico & chirurgico* depromit.

#### T H. XIX.

Antequam autem Medicus *naturæ* effectivè subveniat, & à Medicina hac *cognoscente ad curantem* progreditur, restat ipsi adhuc altera pars theoriæ Medicæ, nempe ut præter cognitionem status hominis *naturalis & præternaturalis* etiam *acceptorum Armorum i. e. Medicamentorum* notitiam calleat, illa tanquam liberalissimæ beneficia *naturæ* naturaliter consideret, ipsorumque virtutes non ex scholasticis qualitatibus intentionalibus & occultis, sed ad naturæ ductum *cum indefesso & felicissimo naturalium medicamentorum scrutatore*, *Illustri Wedelio*, *Præceptore meo* etiam in hac parte *fidelissimo* ex particularum varietate & exinde ortis indicibus, *Colore, Odore, Sapore, non exclusa analysi chymica*, si non seorsim, tamen conjunctim derivet, & simplicium *operationes mechanicas* omnibus obvias, dumque ab experientia probatas, quatenus ( *nervosè admorente* *Excell. D. Rivino in Disp. de Medicam: propr.* ) *Aquea* humectant & diluunt,



diluunt, terrea desiccant & absorbent, viscida incrassant & conglutinant, dulcia temperant, austera adstringunt, acria attenuant, aperiunt, excitant, & si nauseosa fuerint, *ἄνω & κάτω* purgant, spirituosae corroborant &c. animadvertat. Ex hisce enim utrisque (ex structura nempe corporis & textura materiae medicae) *tertium* Medici dogmatici requisitum, remedium in corpore *modus operandi* innotescit. Qui numerus scientiarum *tertius* nunc demum perfectus est, & Medicum *dignum Naturae ministrum* declarat, quem *Experientia* tum propria, tum Praeceptorum suorum & aliorum fide dignorum Autorum ulterius in officio suo confirmat. Ita tamen, ut *Empyria* sola nisi rationibus roborata in praxi non admittatur, & ideo Medicus juvenis, licet ipse statim non experientissimus, modo judiciosus sit, satis *juxta B. Etmullerum* valeat si non ubique feliciter quâ vitam, (*cum non sit in medico semper relevetur ut ager*) tamen legitimè quâ artem suo mandatô munere fungi. Datur enim in Medicina aliquid, *uti Clariss. Waldschmidtus in suis monuit Epistolis*, quod neque scribi, neque dici potest, sed à solo *judicio* dependet, **APPLICATIO AD INDIVIDUUM**, ubi Medicus rationalis veritatem naturae authoritati Doctorum longè praeferat, & ægros suos non per decantata *empyricorum Arcana & Panaceas* fatis stoicis consecrat, neque etiam *veterum temperamentis qualitatibusque primis* unicè per contradictoriè opposita, calida, frigida, &c. corrigendis se mancipat, sed potius observatis circumstantiis Medicamenti agentis virtutem ad Patientis tolerantiam proportionat.

#### Т Н. ХХ.

Uti autem in omni curatione methodica non tam morbus, quam causa morbi à Medico attenditur; *Causa* vero universalis morborum interna mihi *Corruptio materiae nutritis* est, ita aliter statuere non potero, quam omnium morborum (*exceptâ Abundantia & defectu, cui primariò sanguinis imminutio & diata competit,*) generalem indicationem esse, **CHYLI & SANGUINIS PURIFICATIONEM**, omniaque *medicamenta interna* soli huic intentioni respondere debere; ita tamen ut magnam suae operationis partem in primis viis novum accedentem hostem in prima qf. herba jugulando, absolvant, & reliquum in massa sanguinea adhuc alterandum, partim quibusdam ipsorum particulis eò usque deventis, partim verò & quidem principaliter **BONITATINA-**  
TU



TURÆ motu suo vitali ad concoquendum & egerendum committant. Notandum interim de hac nostra hypothefi, facilius omnia *specificæ* partium solidarum dicta, *Cephalica, hepatica, splenetica, uterina* &c. excludi, quàm admitti. Cum unus saltim spiritus, unusque sanguis est, qui æqualiter omnis nostri corporis partes animat & nutrit, & qui simul in momento curationis medicamenta ultra primas vias progredientia sub suo dominio per motum æqualem omnibus partibus unicè dispensat, ut eadem medicamenta hodie hepati, cras lieni, perendie renibus &c. prout vel in hac vel in illa parte materiam corrigibilem attingunt, (*admentem clariss. Waldschmidii, Willisii & plurimorum Recentiorum*) succurrant, & cæterum medici huc vel illuc dirigentis jussu minus auscultent. Nisi forsan soli *ventriculo* hunc honorem reservare, & in ipso similia similibus *specificè* conservare, i. e. per *aromatica & salina* fermentum falsum augere, fibrasque nerveas cum suis inhabitantibus spiritibus roborare velimus. Quod autem ad *specificæ* sano sensu dicta i. e. uni causæ morbificæ præ alia convenientiora spectat, illa firmo stant talo, nec etiam de illis in præsentiarum quiequam dicam, nisi quod à Medico Dogmatico ex tempore ex subsequentibus enumeratis simplicioribus in *Calefacientia, Frigefacientia, Aperientia, Carminativa, Bezoardica* &c. componi & circumstantiis adaptari possint.

TH. XXI.

Accingit se itaque Medicus, & post *Dietam* supra jam Th. X. breviter allegatam, quæ ipsius *Scutum* est, *arma* qq. strenuè capit, quibus hostem rebellem vel *plane fugat & evacuat*. Et talia sunt (1) *EMETICA*, quæ particulis vel copiosis, oleosis, aquosis ventriculi fibras gravando, laxando & lubricando: vel nauseosis plus minus acerbis irritando, spasmodicè vellicando substratas fibras carneas sursum trahendo, saburram primæ culinæ eliminant: vel glandulas arteriarum extremitatibus appensas convellendo, duodenumque in spasmum citando præter bilem & succum pancreaticum etiam reliquos corporis humores excutiendo &c. educunt. (2) *PURGANTIA* quæ similiter particulis vel humidis, pinguibus, mucilaginosis excrementa humectando, diluendo, fibrarum tensiones laxando, lubricando, abstergendo: vel salino-sulphureis fermentativis acerbis fibrillas intestinorum stimulando, motum peristalticum accelerando, contextus glandulosos



dulosos vellicando serum fundendo, biliosos serofosque humores una cum fœcibus *κατω* expellunt. (3) DIAPHORETICA, quæ particulis vel subtilibus volatilibus sulphureis sanguinem agitando & rarefaciendo, vel terreis alcalinis acidum coagulativum absorbendo, fluorem sanguinis & motum restitunt: vel acribus (*juxta Exc. D. Rivinum*) sine dubio fibras & totius corporis & cordis simul vellicando, spiritus commovendo, motum & orgasmum sanguinis accelerando, lympham per poros glandularum subcutanearum propellunt. (4) DIURETICA, quæ vel aquositate sua serum substantialiter augendo & diluendo, vel per salia obstructos poros referando, viscidiores humores attenuando, fluxiles reddendo & præcipitando, illud quod heterogenum est secum per vias urinarias foras abripiunt. (5) SALIVANTIA, quæ vel sale suo acri aromatico glandulosas membranas faucium nariumque irritando, vel spiculis salinis mercurialibus massam sanguineam intimius colliquando, per glandulas & ductus salivales mucum & salivam effluere cogunt.

#### TH. XXII.

Vel Medicus contumacem hostis pravitatem *corrigit & supprimit per Alterantia* quæ (1) per corpuscula subtiliora, molliora, spirituosam, Salia volatilia, sulphurea, circulantes humores movent & RAREFACIUNT: (2) per particulas crassiores acidas, sulphureis volatilibus se associantes, ipsarum molem augment & agilitatem sic evertendo FIGUNT: (3) Acrimonia & partium rigiditate salina aromatica viscositates pituitosas seu particulas nimis cohærentes interrumpendo ATTENUANT: (4) Fluiditate particulas à se invicem disgregando DILUUNT: (5) Per particulas dissimiles humorum variorum mixturas infringunt, turbant & PRÆCIPITANT: (6) Terrearum particularum porosa irregularitate acidi spicula excipiunt, abscondunt & ABSORBENT: (7) Lentore terreo & mucilaginositate gummosa mobilibus & flexilibus particulis se immiscent, motum earum intercipiunt, & humores INCRASSANT: (8) Tandem mollitie & sulphurea complicabilitate acutas Salium particulas inviscando acrimoniam TEMPERANT.

#### TH. XXIII.

*Vel Nature obfesse immediatè succurrit* medicus (1) per ANODYNA, quæ particulis sulphureis crassioribus halituosis papaveraceis spiritus



ritus (sensationis principium) dissipatos concentrant, inquietos & inordinatos demulcent, externeque fibras tensas laxando & roborando mitigant. (2) Per EXCITANTIA, i. e. subtilia Salia volatilia &c. sensiles partes irritando latentes spiritus non aliter ac ab extra per clamores, puncturas, titillationes &c. cogentia. (3) Per ANALEPTICA, CONFORTANTIA & VIRES REFICIENTIA, quæ vel particulis alimentariis puris à scoriis & cruditatibus liberatis, (*ne juxta Hippocratem corpora impura quò magis nutriantur, eò magis lædantur*) aut medicamentis saltem alimentosis temperatis, chylum & massam sanguineam substantificè augent: vel mediantibus exhalationibus subtilioribus spirituosius, gratis, odoratis, aromaticis, ambratis multum materiæ subtilissimæ, ignobilioribus particulis minus incarceratæ continentibus, spiritus fibrarum oris, palati, œsophagi, ventriculi & intestinorum incolas immediatè afficiunt, ipsis assimilantur, & ita totum corpus roborant.

#### TH. XIV.

Ab altera autem nutritionis læsæ parte fiat *perorum & partium externarum solidarum destructio*, quando vel ab intra extrorsum variæ ruinæ, tumores, ulcera &c. vel ab extra per injurias externas factas, contusiones fracturæ vulnera &c. accidunt. Quibus Medicus peculiari armorum genere, remediis nempe externis *Topicis* dictis succurrit; & primario quidem partes corporis externas solidas tanquam totidem tecta & munimenta *Natura* diruta cataplasmatibus, emplastris &c. custodit, defendit & refarcit; secundariò verò internos quoque *Natura molimina* ab extra adjuvat & promovet. Talia itaque sunt, quæ vel per particulas flexiles, ramosas, oleosas, salibus simul modicè complexas rigiditatem partis alicujus tollunt & fibras tensas EMOLLIUNT. Vel λεπνομερεια sua poros penetrando materiam contentam rarefaciunt & DISCUTIUNT. Vel particulis plus minus acutis elasticis activis poros dilatando & laxando humores ATTRAHUNT. Vel frigore & particulis constrictivis poros cutis opplendo, affluxumque humorum arcendo REPELLUNT. Vel austeritate acido-terrea poros fibrasque corrugando ADSTRINGUNT. Vel crassis & minus mobilibus particulis poros obstopando INDURANT. Vel partes vulneratas balsamica oleositate condiunt, aërem arcent, sanguinis glutinosita-

tem.



rem conservant, aut ulcerum sorditates extergunt, ichorem stillantem exsiccant, particulis hamosis & viscosis poros obstruentibus suppurationem maturant, divisasque partes glutinositate emplastica conjungunt, & ubique Naturam operantem sub nomine medicamentorum TRAUMATICORUM adjuvant. Tandem quod Medicamenta non sanant, id præter manualementem operationem FERRUM & IGNIS sanat.

SOLI DEO GLORIA.

## COROLLARIA.

I.

*Medicus non potest esse verus naturæ minister, nisi naturam etiam extra corpus humanum, in suis regnis, thesauris & deliciis cognoscat.*

II.

*Hinc Medicus rationalis non sit hospes in regno animali & minerali, multò minus in vegetabili.*

III.

*In Medicamentorum enim dispensatione & ipsorum facultatum cognitione solis aliorum somniis subscribere, & Veterum formulis sesquipedalibus unicè se mancipare velle, est diffidentia in DEVM, Contemptus beneficentiae naturæ, abusus sui ingenii, & artis summum detrimentum.*

IV.

*Maximè itaque interest, Medicum esse Botanicum.*

V.

*Imprimis vero præstat, eundem esse ambidextrum, i. e. utriusque veterum & recentiorum Methodi gnarum; Illius propter usum, & hujus propter doctrinam.*

FINIS.

*Magis interest, Medicum  
esse Anatomicum  
quam Botanicum*